



HUMAN
RIGHTS
WATCH

“Ukupatikisha Ukusela pa Ncende”

Ubulimi Bukalamba elyo no Kuseshiwa pa Ncende mu Zambia

ILYASHI MUBWIPI | IFILEKABILWA UKUBOMBELWAPO

Ibala lya soya beans pebala likamba mu citungu ca pakati (Central Province) mu Zambia. Abekala calo abengi mu musumba wa Serenje balitamfiwa pa ncende isho baikalapo no kulima pa myaka iingi pamulandu wakushilako abalimi bakalamba incende.





ILYASHI MUBWIPI

Ubuteko bwa calo ca Zambia bumona ubulimi ngo “kundapwa” ku bupina bwa mu ncende sha mumishi, elyo ne ntungulushi sha calo shilatungilila sana amakwebo ya kusungila ifyuma mu bulimi pa ncende sha mpanga ishikulu. Nangu cibe fi, ifilubo mumafunde yabuteko ayakutungulula ubulimi bukalamba, elyo nokweshu ukwapelebelu mukucingilila abantu abapina, munshita yakwafwilisha abantu ukutumpuka ukufuma mubupina, elyo kabili ici cilecenenako fye abantu. Indupwa ishaikala nokulima mu mpanga shabo pa myaka iingi isho ishapelwa nombu ku balimi bukalamba shalitamfiwa pali shi mpanga ukwabula ukukonka inkonka ineine elyo ukwabula nokulipilwapo nangu fimo. Indupwa shimo shashalafye ne nsala kabili ukwabula napakwikala.



(Pamulu) Ci mazembe icibomfiwa mukuwamya impanga yabulimi bukalamba mu ncende ya bulimi ku Luombwa, mu musumba wa Serenje, panuma abaikalapo pa myaka iingi nabatamfiwapo.

(Mumbali/Lubali lumbi) Mu mweshi wa Kutumpu mu 2017, ba Ruth Mwitwa basangilwe no mulandu wakwikala pancende yabene ukwabula insambu elyo incende iyo balelimapo ukufuma ku bwaice bwabo nomba iyo bapela kuli shibulimi mukalamba. Balikakilwe pa myeshi itatu kumo no mwana wabo uwaleonka. “Nakakilwe pamulandu wakusangwa pa ncende ya Musungu (uwabuta inkanda), elyo ninshi ni ena ewaishileingila mu ncende iyo ine nabana bandi twafyalilwemo”, efyasosele ba Mwitwa, banyina ba bana pabula (9).

Umulimo wa bulimi bonse uukalamba, ube wandalama ishingini ukufuma kubakunse ya calo pa mpanga ya bulimi iikalamba, nangufye milimo yabulimi pa ncende iinono iyama hekita iyanono, fyonse ifi kuti fyaleta ubwafya ku bantu elyo ne ndupwa. Ngatakuli ukucingilila ukwafikapo, kuti fyaleta amafya ayabipa sana pa bekala calo aba muli shi ncende. Abantu bamu ncende sha mumishi balacula sana ngacakuti ubuteko bwafilwa ukutungulula bwino imishitishishe ya mpanga yonse iilecitika mu ncende shabo, iikulu nangu iinono, elyo ne mibombebe yamabala yakalamba. Ifi efilecitika palli ino nshita mu ncende shimo isha mumishi mu calo ca Zambia.

Mu mulimo wakubomba kwa uku kufwaililsha akabungwe kamona pa nsambu shabantu aka Human Rights Watch kaipwishe abekala calo ukucila pa mwanda umo na makumi yatatu (130), mu mwaka wa 2016 na 2017, abo indupwa shabo shaikala pa ncende apo pamyaka iingi elyo nagufye pa nkulo ishingini, mu musumba wa Serenje, mu calo ca Zambia, mu citungu ca pakati (Central Province). Nakabili twaipwishe ntungulushi sha buteko bwa cikaya, ishapa citungu conse elyo no buteko bwa calo, ukulunda pali bambi abeminishi ba mabala yakalamba muli uyu







Ukucila pa myaka ine, abekashi bamo abamu ncende ya Kasenga bekala muma tenti panuma yakuti shibulimi mukalamba umo alibatamfishe ku maka ukubafumya pa nchende balaikalapo mu ncende ya bulimi iya Luombwa, ku musumba wa Serenje.

musumba, ba ndubulwila ba milandu, bakafwailisha elyo ne ncenshi nashimbi. Ba Human Rights Watch balolekeshe pa mafya yaletele amabala yakalamba mutanda kubekala calo ba mu musumba wa Serenje. Amabala yane pali aya yali ninshi yalitendeka kale ukubomba, ninshi balitema ne fimuti, elyo namekalo ayengi, kabili bali ninshi balefwaya ukukungwilapo impanga naimbi elyo nokulima ninshi balitendekako. Amabala yambi yabili yalepinga ukutendeka ukuwamya impanga panuma fye batamfyapo abekala calo pali iyi mpanga. Amabala ayatendeka kale ukubomba yalelima soya beans, ing'ano elyo ne filimwa fimbi, makamaka ifyakushitisha kunse ya calo.

Ishi nsebo shilelolekesha pa mafya yaletwa namabala yakalamba ku nsambu sha bekala calo, ukubikapo na mafya ayaibela kuli ba namayo pa mulandu wa milimo ne mikalile yabo, elyo nakucilisha pamulandu wakuti bena inshita ishing' balatitikishiwa ukwabula ukutalikako pa nsambu shabo. Ishi nsebo shilelondolola ukutamfiwa kwa



bekala calo aba abaikala imyaka iingi mu ncende isho baikalapo no kulima pa myaka iingi lelo nomba isho ncende shalipeelwa kuli bashibulimi bakalamba, elyo na mafya yatumbuka muli uku kutamfiwa ukullosha ku bumi imikulile, imikalile, ifyakulya na menshi, elyo namasambililo ya bana.

Banamayo balondolwele ukucula apakalamba sana pakuti bengasunga indupwa shabo panuma yakulufya ishuko lya mushili uwafunda apakulima ifyakulya fyabo, amenshi yakunwa ayasuma elyo nokubomfya mu mayanda, pamo nencende yakulungamo nangu ukufwayamo ifyakulya. Bamo bailishenye pakukana kwata ifyakulya ifyayana pantu nomba tabalelima ifyakwanina, elyo nefyo balelima tekuti fikwatemo ubukumu ubwayana ku mibili yabo. Banamayo balondolwele ukuti fyakulya ifingaliwafye umuku umo fyaleyakanishiwa mufinono pakuti fye bengalyako panshita imbi mu bushiku bumo bwine, bambi balekwanishafye ukulya umuku umo elyo bambi nabo

Abekala calo abatamfiwa pa ncende shabo ku balimi bakalamba bakulafye utumayanda utwakumasa ukubomfya ifimuti elyo na maloba panceye yakutubilishapofye mu mushi mwa Sasa, mu musumba wa Serenje.





(Pamulu) Pakushupikwa kwakusanga amenshi panuma yakutamfiwa mu ncende shabo, abekala calo bamo balemba ifishima fya menshi ifipi, ifyakubomfya intambo ne mbeketi pa ncende shabo ishakutubilishapo. Ifi ifishima ifipi filakama munshita ya lusuba, eco kanshi abantu batendeka ukwenda ukuya mukutapa amenshi ku tumilonga ukutali.

(Mumbali/Lubali lumbi) Banamayo babili abatamfiwa pa ncende yabo naba shibulimi bakalamba mu ncende yabulimi iya Luombwa benda ukucila pali ba miniti amakumi yane cila bushiku ukuya mukutapa amenshi aya ndupwa shabo. Batile ilyo tabalabatamfya, amenshi yalesangwa fye bwino. “Nali ne fumo lya myeshi mutanda (6) ilyo ifi fyonse [ukutamfiwa] fyalecitika. Incende twaleikalapo yaliweme pantu apakutapa amenshi palifye mupepi elyo nalebomfya fye imbeketi ukutapa amenshi nokubwelela ku ng’anda., lelo kuno amenshi yaba kutali,” efyasosele ba Jane.

baleikala fye ne nsala akasuba konse pakuti abana babo balye. Banamayo abengi batile panuma yakutamfiwa pa ncende shabo, baleenda intamfu iitali sana pakutifye bengasanga ukwakutapa amenshi.

Ifunde lye sonde lyonse ililosha pa nsambu sha bantu talyalesha icalo ca Zambia ukutamfya abantu ilyo balepanga amabala yakalamba angu imilimo imbi. Nangu cakuti abantu bamo abaletamfiwa pali ishi ncende baikalapo kale nokukwata insambu pali ishi shine ncende, abantu bambi bena elyo baisamo elyo bakwata fye insambu ishinono elyo limbi nokukana kwata nangu shimo pa ncende iyo baleikalapo. Nangu cibefi, mu milando iigi iyo twalolekeshapo, ukutamfiwa ukwingi kwalecitika ukwabula ukulolesha pa bucingo bwakwata icalo ca Zambia ne funde lya nsambu ilye sonde lyonse pamulandu wa nkonka, ukusesesha abantu ku ncende imbi iyalinga nangu ukubalipilla. Ukutamfiwa kumo kwalecitika mumusango uwabipisha uwakukana sakamana pa nsambu ishili shonse isho umuntu akwata, elyo ne shuko ilinono sana ilyakuilishanya pa nsambu shabo, icakuti califye kutamfiwa ku maka. Ifunde lya calo ca Zambia lyalikanya ukutamfya umuntu ku maka pa ncende apo ekala, elyo ne



Ilyo ba Felisha Kasenga no lupwa lwabo babatamfishe pa ncende yabo kuli shibulimi mukalamba mu ncende ya Luombwa, basangilwe tabakwete apakwikala. Ba Kasenga nabana babo ikumi (10) batendeke ukusendama panse pa myeshi iingi.

funde lye sonde lyonse likabila icalo ukucingilila ici cimusango cakutamfya abantu ku maka.

Ukufwailisha kwaba Human Rights Watch kwasangile ukuti ifyacitike ku Serenje temulandufye wakulufyanya ifyakucita. Lelo ukucushiwa kwafumine ku bulimi bukalamba elyo nensambu shabekala calo fyakwata ubwafya ubukalamba mukufilwa kwa butungulushi, ukukana lolesha pafingatumbukamo, elyo napakucingilila insambu ku bakalama bamu buteko bwa calo ca Zambia.

Twasalilepo ukulolekesha pa musumba wa Serenje pamulandu wakuti emulesangwa fyonse fibili imilimo yakale (iyatendeka ukubomba) elyo nemilimo yabulimi iipya, ukutupela ishuko lyakulolekesha pa mafya ku nsambu sha bekala calo mumbali shonse isha bunonshi. Uyu musumba, mu citungu ca Zambia umwaba umushili uwafunda pamo na menshi ayengi ica Central Province, emusangwa incende yabulimi iya Nansanga, iyaba mu ciputulwa ca Farm Block Development Program,” umo



ubuteko bulebekisha icuma icingi mu bulimi elyo nokupelako nabambi abengabikishamo icuma cabo ukukonka ne fikomo fyankonka ifyayangukako ifyakusombela ababunonshi. Uyu musumba walikwata na mabala ayengi ayakale elyo nobwishibilo pafyo ubulimi bukalamba bwingaleta ubunonshi nangu ubwafya kubekala calo abashingulwike. Ngo musumba uwaishibikwa nga umo uwakwata ubulimi ubwafunguluka, eumofye uwingatupela ifyakufwailishapo ifyayana, icilangililo cakumwenako ifyo ubulimi bukalamba bwingaya pantanshi ilyo ninshi ne nsambu sha bekala calo shilecindinkwa. Lelo nangu cibefi, twasangilefye amalayo ayashasungwa, ukufilwa kwa buteko, elyo nokukana sakamana insambu sha bekala calo pa mulandu wa bulimi bukalamba.

Ba Esther Mambwe no lupwa lwabo batamfiwe ku ncende ya Kalengo kuli shibulimi mukalamba mu mwaka wa 2016. “Tatwaishibepo nangu fimo pali ili bala [likalamba] mpaka bushiku bumo twamwenefye *umusungu* (uwabuta inkanda) nasenda fimo elyo atile alepanga umupaka,” efyasosele ba Mambwe.



(Pamulu) Abana besukulu mu ncende ya bulimi iya Luombwa. Bakafundisha kuno batile balisakamene icakuti isukulu kuti lyaisalwa pamulandu wakufuntuka kwa mabala yakalamba muli iyi ncende, nangu cakuti abakalamba babuteko elyo nababomfi ba muli aya mabala balebatekako imitima ukuti isukulu tekuti lisalwe.

(Mumbali/Lubali lumbi) Abakashana mu sukulu mu ncende ya Ntenge, mu ncende ya bulimi iya Luombwa. Indupwa shimo ishabana shalitamfiwa ku maka nokuselela ukutali, icakuti nomba abana tabaya naku ma sukulu.

Ukukanaipusha no Kufwailisha Ukwalongoloka

Ifunde lya calo ca Zambia likabila ukuti bashamfumu bacikaya ubutungulushi ubwaishibikwa ku buteko – baipusha abekala calo abo cikumine nokupokako insambu ilyo takulaba ukwalula impanga shabo (ishaishibikwa nga impanga sha cifyalilwa) ukushitwala mu ncende sha buteko isho ubuteko bwingapela ku bakubikamo icuma. Ili funde kabili lilakabila ukwipusha ku bekala calo abo cikumine ilyo imilimo iingabakuma ileya pantanshi.

Abekala calo pa ncende sha bulimi ishing batile uku kwipusha takwacitike, nangu uku kwipusha kwalifye ukwamukampampa icakuti twakwakwete bupilibilo. Abakalamba bamilimo batile impanga ya mu musumba wa Serenje yalicinjishiwe ukufuma mu mpanga ya cifyalilwa nokutwalwa mu mpanga ya buteko mu myaka yakunuma, ilingiline ukwabula ubwishibilo bwa bekala calo elyo kabili ukupitila mu nkonka isho abantu batwishika. Abekala calo abengi tabaishibepo nangu fimo ifyalecitika ilyo bashibulimi bakalamba bafikile; ukwishiba kwakubalilapo kwalecitikafye ilyo bamwene shibulimi aisa mukupima umwapita impanga. Mu nshita ishing, “ukulanshanya” konse pamulandu wa kulipilwa elyo nokusesesha ku ncende shimbi takwacitike bwino, pantu bashibulimi bakalamba baletinya ukutobaula amayanda nokonaula





ifyakulya ngacakuti abekala calo tabafumine mu mayanda yabo. Banamayo abengi baebele ba Human Rights Watch ukuti tabaleibimba mukulanshanya ukuli konse, pamulandu wakutina impasase.

Bashibulimi bakalamba abengi baebele ba Human Rights Watch ukuti baleenekela ukuti ubuteko buli nokufumyamo abekala calo muli ishi ncende isho bashitile. Lelo, batile balitontonkenye abene ifyakucita ku bekala calo abo basangile pali ishi ncende. Bashibulimi bakalamba bamo balemona aba bantu kwati nibalya abacikaleikale abashakwata nensambu ya kwikala pali ishi mpanga elyo kabili tabalingile nokulipililwapo nangu cimo. Abengi baebele ba Human Rights Watch ukuti tabaishibepo nangu fimo pafyo ifunde lya calo ca Zambia lyalanda pafyo balingile ukucita. Umo shibulimi alikweteko ubwishibilo pali ili lyashi ukucila bambi pamulandu wakukonka inkonka elyo nokulolesha pa mafya yakumine abekala calo, lelo nangu cibefi, neliline bala ngalyalibombe bwino sana akuba ukutungululwa bwino nabakalamba babuteko.

Ukufilwa kwa Buteko

Ubuteko bwa calo ca Zambia tabwaposako amano kuli uyu mulandu nokupampamika amafunde yafifwaikwa pamulandu wa bulimi bukalamba. Bwalifilwafye nokumona ngacakuti ififwaikwa ifinono pamo nga ifingatumbuka mukubomba pa ncende ku bwikalo bwa bantu elyo nokupela kwa fitupa fya nsambu ne fyakusuminisha ngafyalikonkwa. Amafunde ya calo ca Zambia yatila kufwile kwaba ukuceceta nokumona ubusanso nangu ubuyo bwingesa ku ntanshi, ico icilingile nokulolesha pa mafya yamikalile yabantu, ilyo umulimo uuli onse taulatendeka, elyo utubungwe twa buteko tufwile twalolesha pa fingatum-bukamo. Bashibulimi bamo balitendeke ukuwama pali ishi mpanga ninshi tabalati bapelwe ne fitupa fya nsambu shakubomba bambi nabo ninshi tabatwala ne nsebo yakuceceta ukulingana ne funde. Ababomfi babuteko baebele ba Human Rights Watch ukuti pamulandu wakubulisha kwa Cuma calefwaikwa calengele ukuti bekwanisha ukuceceta nokumona ifiletumbuka muli iyi milimo.

Abakalamba ba buteko abo twaipwishe balisumine ukuti cishinka icakuti imilimo ya bulimi bukalamba mu musumba wa Serenje tayabombeka bwino. Ababomfi bamufiputulwa fimo ifyabuteko balepela abanabo imilimu – ukucila abene beka – pamulandu wakukana kondenkanya bwino imilimo. Abakalamba bamilimo no buteko tabalepelwa imilimu pamulandu wa kufilwa ukukosha amafunde ya calo ca Zambia pa mpanga, incende, ubulimi, ubunonshi elyo nokuseshiwa pa ncende.

Ukuseshiwa pa Ncende no Kucula

Abekala calo ba mu Serenje balisangwa mukucula ukukalamba pa myaka iyapitapo kunuma pamulandu wa ubu bulimi bukalamba. Ba shibulimi bamo balyoca nangu ukutobaula amayanda, ukushula ifimuti, elyo nokutamfya abantu pa ncende shabo ukwabula ukubalipila elyo ukwabula ne nsambu ishili shonse ishakuilishanya pa kutamfiwa kwabo. Abekala calo abengi abatamfiwe na shibulimi umo mu mwaka wa 2013 bakonkanyapo fye ukwikala mu matenti nangu mutumayanda utwabula ukulondoloka pa myaka ine mu mutengo umo umushaba amenshi elyo ne ntungulushi sha ncede shalibakanya ukulimamo ifyakulya. Panshita ya uku kulemba, basngilwe bacilli baleikala mu musango uushali bwino, ukucetekela ukuti ubuteko bukabatwalako ku ncende iipya ukobengekala.

Ifyo Ifunde Lyalanda

Ifunde lya nsambu sha buntu lyalileshe ukutamfya umuntu pa ncende ku maka, elyo kabili lifwaya ukuti ubuteko bwacindika, bwacingilila nokufikilisha insambu ku sha mikulile, ubumi elyo ne ncende iyabumi, ifyakulya, amenshi, pamo na masambililo. Ili funde kabili lyalanda nokutula abantu balikwata insambu shakundapwa pamulandu wakutitikishiwa ku nsambu shabo. Amafunde ya mibombe aye sonde lyonse yalanda ukuti bashimakwebo bonse, ukubikako nabashibulimi bakalamba, balikwata umulimo wakumona, ukucingilila, ukucincintila, elyo nokundapa bonse abatitikishiwa pamulandu wa nsambu shabo ukulolenkana ku mibombe ya makwebo ayo balecita. Icalo ca Zambia calisuminisha ukukonka ifikomo fya calo chonse ifyakutungulula iyi mibombe; tekuti tutile icalo ca Zambia tacaishiba ifyakucita pali ili lyashi ilyakusumbula ubulimi panshita imo ine nokucingilila insambu sha bekala calo.

Ubuteko bwa calo ca Zambia bufwile ukubula ulutampulo ulwamaka mukwangufyanya pakucingilila insambu sha bekala calo mu ncende sha mu mishi umuli amabala yakalamba. Bufwile ukushininkisha ukuti amafunde yonse yalekonkwa ayakuseshiwa pa ncende elyo nokulipilwa, ukubikapo na fyonse ifikumine abantu abaleseshiwa pa ncende yabo pamulandu wa bulimi bukalamba. Bufwile bwabombesha sana mukushininkisha ukuti ifiputulwa fya buteko nafikwata ababomfi abalinga, ifyakubomfya, elyo nokukanshiwa pakupampamika bwino amafunde elyo nokuceceta kwa milimo iilebombeka muli aya mabala yakalamba, nokusumbula bucishinka mumilimo yabulimi bukalamba. Ubuteko bufwile bwabombela napakup-wishisha amafunde ayabulila, ukubikapo nokupwisha ifunde lyapamulandu wa butungulushi bwa mpanga ya cifyalilwa elyo ne funde ilyapwililika pa mulandu wa



mpanga ya calo. Ubuteko bufwile kabili bwakabila nokuti ukuceceta kwa ncende na mafya yengatumbukamo ku mikalile ya bantu kwacitika ilyo ukusuminisha kwa milimo ya bulimi takulapelwa. Bufwile nokukonkanyapo ukulaceceta imibombebe ya bulimi ukwabula ukuleka.

Ubuteko bwa calo ca Zambia bulingile ukusumbula insambu sha bantu ukupitila mukushininkisha ukuti abekala calo abalekabila ubwafwilisho ku mikalile yabo tabashele apabipishako ukucila apo bali pamulandu wa ubu bwine ubulimi.

Icitupa ca nsambu ye bala icipelwa ku bekala calo ku mfumu. Nangu cakuti abekala calo baku Kalengo balikwata ifi fitupa ifyabasuminisha ukubomfya impanga yacifyalilwa, ifi fitupa tafyaishibikwa ku buteko elyo nabashibulimi bakalamba.

IFILEKABILWA UKUBOMBELWAPO

KU BUTEKO BWA CALO CA ZAMBIA

- Ukubikako ubwafwilisho bwa mukampampa elyo nokupekanishisha limo ubwafwilisho bwakuntanshi ubwakupwishisha amafya yabekala calo baku Serenje abo abatamfiwe ku maka ukufuma mu mayanda yabo nangu abatamfiwe ukwabula ukulipililwapo ukwayana.
- Ukumona ukuti abekala calo ba mumishi abengatamfiwa pa ncende shabo nabakwata ubwafwilisho bwa milubulwile, ubo bengakwanisha nangu ukwabula ukulipila elyo nokwafwilishiwa mu filye fya milandu nangu kumbi ukulubulwilwa imilandu.
- Ukushininkisha ukuti indupwa isho cikumine, ukubikapo nabanamayo mumulinganya nabashibantu, nabo baibimbamo mukulanshanya konse ukukumine ubulimi ubupya nangu ubwakulundulwilako, pamulandu wa nshila shakucincintililamo ukutamfiwa pa ncende shabo, elyo ne nshila shakubas-eseshamo nangu ukulipililwapo.
- Ukushininkisha ukuti amafunde ya mpanga, ukubikapo namafulunde yambi ayakuntanshi pa butungulushi bwa mpanga ya cifyaliwa, yalondolola bwino inkonka pamulandu wakulanshanya kwa bekala calo mu nshita ilyo kwaisaba ukwalula kwa aya mafunde ya mpanga ya cifyalilwa.
- Ukupampamika Ifunde Iya Calo Ilya Kusesha Abantu elyo ne Fikomo fya Cishinkamukofu ku Bantu Abaseshiwa Mukati ka Calo Cabo. Ukukosha ukukondenkananya pakati ka fipani fya buteko ne fiputuwa fimbi ifyapelwa imilimo ikumine ku mpanga, ubulimi, incende, elyo nokuseshiwa pa ncende. Ukusabankanya ifikomo ifyayana elyo nokukansha ababomfi pafyakufikilisha ifi fikomo .
- Ukwishibisha bashibulimi bakalamba pamulandu wa ifi fikomo na mafunde, ukubikapo na mafunde ya kuseshiwa pa ncende elyo naya kucingilila incende, ilyo imilimo ya bulimi tailatendekako. Ukupampamika amafunde yonse ayacikaya pamo nefikabilwa fyonse pakuceceta amafya ya mikalile ayengacusha abekala calo nokonaula incende pa mulandu wa milimo ya bulimi.
- Ukukampula ukukondenkananya nokuceceta kwa mabala, ukubikapo nokupanga ama ofeshi yakuceceta iyi milimo mu fitungu fyonse elyo nokwingisha ababomfi nabambi.
- Ukubikako ukusabankanya no kwishibisha kwa bekala calo mu ncende shabo umo umwingaba amafya ayengaletwa no bulimi pakubasambilisha pa nsambu isho bakwata.

KULI BASHIBULIMI BAKALAMBA

- Fwailisheni amafya ayengansangwa pa ncende elyo ne mikalile yabantu pa masanso yengatumbuka muli ubu bulimi bukalamba. Ukuleta ifi fyonse pabwelu pakuti bonse bafishiba, ukubikako na banamayo, elyo nabo abamoneka abakankambwa, mumusango untu bengomfwikishamo bwino.
- Ukukonka amafunde yonse ayakabilwa pakulanshanya, ukulipila, nangu/elyo nokusesha abantu abo cikumine pa ncende bekala pamulandu wa bulimi bukalamba. Ukushininkisha ukuti banamayo nabo basendamo ulubali muli uku kufwailisha nangu ukulanshanya pamulandu wa kulipilwa nangu ukuseshiwa ukutwalwa ku ncende imbi.
- Ukushininkisha ukuti abantu abo imilandu ya bulimi bukalamba ikumine bakwata insambu shakutwala ukuilishanya kwabo ukulingile pamulandu wa milimo ya ubu bulimi, ukubikapo nalintu calinga ukupitila munshila yakuilishanishamo iyayana, elyo nokukwata amasuko ayayana.

“Ukupatikisha Ukusela pa Ncende”

Ubulimi Bukalamba elyo no Kuseshiwa pa Ncende mu Zambia

Pa myaka ikumi iyapita, ubuteko bwa calo ca Zambia bulasumbula imilimo yakubikisha ifyuma mu bulimi bwa mabala yakalamba ngo musango wa kufuntwilamo ubunonshi no kupwisha ubupina bwa mu mishi. Lelo ubuteko bwalifilwa ukulolesesha limo kuntanshi nokufililwa ukupampamika amafunde ayafwaikwa pamulandu wa mabala yakalamba, ukufilwa ukufikilisha amafunde ne nkonka ififwaikwa kuli aya mabala ukupitila mu kufwailisha nokumwena limo ifingatumbukamo kuntanshi ku mikalile yabekala calo elyo ne mpanga ukupitila mu mibombe ya aya mabala. Ubuteko kabili tabwatola intampulo shakwambilapo ishakuceceta nokumona ngacakuti aya amakwebo ya mabala yalekonka aya mafunde.

“Ukupatikisha Ukusela pa Ncende:” Ubulimi Bukalamba elyo no Kuseshiwa pa Ncende mu Zambia ilelelekesha pa mafya ayo ubulimi bukalamba bungaleta ku bekala calo pamulandu wa nsambu sha bumi, imikuulile ya mayanda, imikalile, ifyakulya no bucingo bwa menshi, pamo na masambililo. Insebo sha uku kufwailisha shilelondolola ifyo abalimi bakalamba bamo balikwanisha ukukwata ama hekita ya mpanga ayengi sana lelo ukwabula ukusakamana amafunde ayapangwa pamulandu wakucingilila abekala calo pamo ne ncende. Mu ncende shimo bashibulimi bakalamba balitamfyapo abantu pa ncende apo balupwa lwabo baikala nokulima mu nkulo shabo shonse, ukwabula ukukonka inkonka iyayana kabili ukwabula nokubalipililapo. Ishi nsebo kabili shilefwailisha nokumona ifyo banamayo bafyengwa ilingiline elyo ne nshita ishingi ifyo bashibimbwmo nokusendamo ulubali mukulanshanya nabashibulimi bakalamba pamulandu wa mpanga shabo.

Ukushintilila pa kulanshanya ukufika naku cipendo ca mwanda umo na makumi yatatu (130) nabekala calo mu musumba wa Serenje mu Citungu ca Pakati (Central Province) ya calo ca Zambia, ishi nsebo shilefwailisha pa kusunga kwa nsambu sha bekala calo ukwa aya mabala yakalamba elyo nefyo ubuteko bwa calo ca Zambia bwacitapo. Nakusangwa ukonaula kwa nsambu sha bekala calo ba mumishi, ukwabipisha sana, mu mikuulile ya mayanda, ifyakulya, amenshi, ubumi, amasambililo, elyo nemipwishishe ya aya mafya, ici cilelanga ubusanso ubukalamba ubwakufilwa kwa mitekele.

Ubuteko bwa calo ca Zambia bufwile bwakonkanyapo ukubomba na maka ukupampamika nokumona ukuti amafunde ne nkonka shonse shafikilishiwa pakucigilila abekala calo abalesangwa mu ncende umuli amabala yakalamba, ukubikapo nabo abaleseshiwa pa ncende baikala elyo ne milipililwe yabo. Ubuteko bufwile kwasumbula ifikomo fyabuko ifya kusumbula insambu sha bantu ukupitila mukushininkisha ukuti abekala calo abalekabila sana ubwafwilisho no kusumbulwa kwa mikalile tabashele apabipisha ukucila ifyo baikele kale pamulandu wa bulimi bwa mabala yakalamba.



©2017 naba Samer Muscati abamu kabungwe akalolesha pa nsambu sha bamtu (Human Rights Watch)

Ba Ruth Mwitwa (kukuso) naba Gloria Kango, balisangilwe no mulandu wakwingila muncende iishili yabo pancende iyo baikalapo nokulimapo pa myaka iingi, iyo pali ino nshita yaba yakwa shibulimi mukalamba. Balipingilwe ukukakwa imyeshi itatu, elyo kabili balikakilwe pamo nabana babo abo baleonsha. Ba Gloria pali iyi nshita bali napabukulu ne fumo lya myeshi ine (4) ilyo bakakilwe.